

RUKOMETNI SAVEZ BOSNE I HERCEGOVINE



PROPOZICIJE TAKMIČENJA ZA OMLADINSKE KATEGORIJE

Sezona 2022/ 2023

Na osnovu člana 37. Statuta Rukometnog saveza Bosne i Hercegovine, Upravni odbor Rukometnog saveza Bosne i Hercegovine (u daljem tekstu UO RS BiH), na svojoj sjednici, održanoj u Sarajevu dana 25.04.2023. godine, donio je PROPOZICIJE TAKMIČENJA za omladinske kategorije

- **TAKMIČENJE**

Član 1.

Ovim Propozicijama takmičenja (u daljem tekstu Propozicije) određuje se oblik takmičenja prvenstva BiH za ženske i muške ekipe mlađih starosnih kategorija u organizaciji Rukometnog saveza Bosne i Hercegovine (u daljem tekstu RS BiH) za takmičarsku 2022/2023 godinu. Propozicijama se određuje poredak i druge obaveze, dužnosti i prava koja slijede iz takmičenja.

Član 2.

Utakmice svih takmičenja RS BiH, igraju se prema Međunarodnim pravilima rukometne igre i odredbama drugih propisa RS BiH.

Član3.

Pravo učesća imaju sve ekipe registrovane u Rukometnom savezu Bosne i Hercegovine, Rukometnom savezu Republike Srpske, Rukometnom savezu FBiH i Rukometnom savezu Herceg Bosne, a koje su to pravo stekle kroz plasman u prvenstvima matičnih saveza.

Član 4.

Takmičenja se provode za sljedeće starosne kategorije u ženskoj konkurenciji:

Kategorija,	Trajanje utakmice	Veličina lopte	Isključenja
- 2010 i mlađe	2 x 15 min	1	1 min
- 2008 i mlađe	2 x 20 min	2	2 min
- 2006 i mlađe	2 x 25 min	2	2 min
- 2004 i mlađe	2 x 30 min	2	2 min

Takmičenja se provode za sljedeće starosne kategorije u muškoj konkurenciji:

Kategorija,	Trajanje utakmice	Veličina lopte	Isključenja
- 2010 i mlađi	2 x 15 min	2	1 min
- 2008 i mlađi	2 x 20 min	2	2 min
- 2006 i mlađi	2 x 25 min	3	2 min
- 2004 i mlađi	2 x 30 min	3	2 min

Član 5.

U kategorijama 2004., 2006. i 2008. godište u toku utakmice jedna ekipa ima pravo na tri /3/ ekipna time outa u trajanju od jednog /1/ minuta, koji se koriste na način kako je to regulisano Pravilima rukometne igre.

U kategoriji 2010. godište u toku utakmice jedna ekipa ima pravo na dva /2/ ekipna time outa u trajanju od jednog /1/ minuta po poluvremenu.

Član 6.

Termin odigravanja finalnih turnira po kategorijama za ženske ekipe:

- 17.-18./06.2023. godine, 2004.godište i mlađe
- 10.-11./06.2023. godine, 2006. godište i mlađe
- 03.-04./06.2023. godine, 2008. godište i mlađe
- 17.-18./06.2023. godine, 2010. godište i mlađe

Termin odigravanja finalnih turnira po kategorijama za muške ekipe:

- 10.-11./06.2023. godine, 2004.godište i mlađi
- 03.-04./06.2023. godine, 2006. godište i mlađi
- 10.-11./06.2023. godine, 2008. godište i mlađi
- 03.-04./06.2023. godine, 2010. godište i mlađi

Član 7.

Na završnicama takmičenja učestvuje devet /9/ Klubova: šest /6/ iz RS FBiH i to tri /3/ iz RS Kantona i tri /3/ iz RS Herceg Bosne, te tri /3/ iz RS RS, a koji su to pravo ostvarili na osnovu plasmana na takmičenjima, organizovanih u okvirima matičnih saveza. Komesar takmičenja RS BiH će objaviti nulti Bilten sa svim učesnicima finalnih takmičenja.

Član 8.

Sva predtakmičenja se trebaju okončati najkasnije do 22.05.2023. godine u ženskoj konkurenciji te 30.05.2023 godine u muškoj konkurenciji. Voditelji omladinskih natjecanja matičnih saveza su u obavezi dostaviti službeni popis ekipa koje su izborile učešće na završnicama državnih prvenstava.

Član 9.

Finalni turnir se igra kod ekipe koja je putem javnog poziva dobila domaćinstvo. Domaćin finalnog turnira je obvezan osigurati sljedeće:
Pehare za ekipe koje osvoje prvo, drugo i treće mjesto,
Medalje za tri prvoplasirane ekipe (zlatne, srebrene i bronzane - po 22 komada)
Organizator može osigurati i druge nagrade i priznanja za pojedine ekipe i pojedince,
Smještaj i ishranu na principu punog pansiona za službene osobe i Komesara takmičenja,
Osigurati mjerioca i zapisničara vremena za sve utakmice, te osobe zadužene za izradu i pripremu zapisnika za sve utakmice,
Dvoranu sa svim elementima za nesmetano odigravanje turnira,
Ljekara ili zdravstvenu osobu za sve utakmice,
Kao i sve druge uslove i elemente za korektno odvijanje turnira.

Član 10.

Završno takmičenje mlađih kategorija, finalni dio, odvija se kao turnirsko takmičenje, po grupama i provodi se po jednostrukom bod sistemu. Klub za pobjedu dobija dva (2) boda, za neriješen rezultat jedan (1) bod, a za poraz nula (0) bodova.

Član 11.

U finalnom dijelu takmičenja, ekipe će žrijebom biti podijeljene u dvije grupe, a nosioci grupa su finalisti iz predhodne takmičarske godine, a ako se jedna od ekipa nije plasirala za završni turnir, drugi nosilac je ekipa domaćina, a ako se nisu plasirale ni jedna od ekipa finalne utakmice iz prethodne takmičarske godine, žrijebaju se sve ekipe po grupama. Po okončanju takmičenja po grupama konačan plasman se određuje na sljedeći način:

Polufinalne utakmice:

A1:B2

B1:A2

Pobjednik utakmice A1:B2 igra sa pobjednikom utakmice B1:A2 za prvo mjesto

Poraženi iz utakmice A1:B2 sa poraženim iz utakmice B1:A2 za treće mjesto

Treće plasirane ekipe u grupama igraju za peto mjesto.

Član 12.

Konačan poredak Klubova određuje se poslije završenog takmičenja po grupama. Ako dva ili više klubova osvoje isti broj bodova u grupi, poredak se određuje na sljedeći način:

-bolje mjesto zauzima Klub koji je ostvario bolji međusobni rezultat, a poredak na tabeli se određuje na temelju osvojenih bodova na utvrđenoj mini tabeli,

-ako je broj bodova isti, bolje plasiran je klub koji ima bolju razliku datih i primljenih golova na utvrđenoj mini tabeli,

-ako je razlika datih i primljenih golova ista, bolje je plasirani Klub koji je postigao više golova,

-ako su klubovi postigli isti broj golova, bolje je plasiran Klub koji je postigao više golova iz igre (bez sedmeraca).

-ako se ni na ovakav način ne može odrediti poredak klubova u grupama, isto će se obaviti žrjebanjem.

Član 13.

Ako se utakmica finalnog dijela (utakmice za poredak) završi u regularnom toku neriješenim rezultatom, izvode se sedmerci.

Prije nego se počnu izvoditi sedmerci svaki klub će imenovati po 5 (pet) igrača-ica, koji su po završenoj utakmici, odnosno nakon produžetaka, imali pravo nastupa, na način da sudijama uruče spisak sa brojevima igrača koji će izvoditi sedmerce. Svaki od ovih igrača-ica treba da izvede po jedan sedmerac naizmjenično sa protivničkim igračima. Klubovima je ostavljeno na volju da odrede redosljed izvođenja sedmeraca.

Golmani se mogu slobodno odabrati iz spiska igrača-ica i mijenjati se u skladu sa Pravilima igre. Golmani takođe mogu izvoditi sedmerce, ali i igrači-ice za izvođenje sedmeraca mogu igrati kao golmani (braniti).

Sudije biraju stranu i gol na kojem će se izvoditi sedmerci. Klub koji dobije žrijeb, može birati da li da prvi izvodi sedmerac ili da to prepusti drugom Klubu.

Nakon prvog kruga izvođenja sedmeraca, pobjednik je Klub koji je postigao više golova.

U slučaju neriješenog rezultata, nakon prvog kruga izvođenja sedmeraca, nastavlja se naizmjenično izvođenje po jednog sedmerca do konačnog pobjednika. Igrači-ce drugog kruga mogu se mijenjati u skladu sa Pravilima igre.

KOMESAR TAKMIČENJA

Član 14.

- Obaveze Komesara takmičenja su da:
- Neposredno rukovodi finalnim dijelom takmičenja na osnovu ovih Propozicija i drugih propisa RS BiH
- Vrši prikupljanje ponuda za organizaciju završnih takmičenja i određuje domaćine završnih takmičenja po kategorijama
- Određuje jednog kontrolora kao podkomesara i TK (takmičarsku komisiju od tri delegata)
- Delegira službene osobe za finalna takmičenja
- Registruje utakmice na osnovu izvještaja podkomesara finalnog turnira

- Odlučuje o svim pitanjima u vezi sa takmičenjem
- Odlučuje o svim mogućim kaznama
- Prima i rješava eventualne žalbe
- Pokreće i rješava disciplinske prekršaje
- Izdaje završni Bilten i isti dostavlja svim učesnicima finalnog takmičenja, RS BiH i objavljuje na web stranici RS BiH
- Radi i druge poslove i zadatke vezane za takmičenje.

Član 15.

Komesar takmičenja je obavezan prisustvovati svim završnim takmičenjima mlađih kategorija (turnirima) ili imenovati svog zamjenika (podkomesara), koji će imati sva prava i obaveze kao Komesar takmičenja.

TROŠKOVI TAKMIČENJA

Član 16.

Ekipe organizator i domaćin finalnog turnira je obavezna snositi troškove odigravanja utakmica za zakup dvorane, medicinskog osoblja i drugih izdataka vezanih za organizaciju utakmice. Utakmice finalnih takmičenja će suditi sudije sa Prvih liga i sudije sa Premijer lige koje su se dokazale u tekućoj takmičarskoj sezoni.

Član 17.

Troškove službenih lica (sudije i delegate) plaćaju Klubovi koji su se plasirali na završnicu državnog prvenstva.

Troškovi službenih lica su paušalni u obje konkurencije i to:

- Kategorija 2010.god i mlađi 180,00KM po službenoj osobi za turnir;
- Kategorija 2008.god i mlađi 200,00KM po službenoj osobi za turnir;
- Kategorija 2006.god i mlađi 220,00KM po službenoj osobi za turnir;
- Kategorija 2004.god i mlađi 240,00KM po službenoj osobi za turnir.

Član 18.

Sve ekipe, učesnice završnica državnih takmičenja u muškoj i u ženskoj konkurenciji, u svim kategorijama troškove službenih lica plaćaju proporcionalno pred početak odigravanja turnira.

ORGANIZACIJA TAKMIČENJA

Član 19.

Klub, organizator (domaćin) utakmice, obavezan je prije početka odigravanja utakmice, obezbijediti dvije (2) ispravne lopte za igranje utakmice (prema kategoriji), štopericu, vodu za sve učesnike utakmica koje se igraju na turniru, kartone za time out, službenog ljekara, brisanje parketa i obrasce Zapisnika za utakmice, kao i drugo što predviđaju Propozicije liga takmičenja na teritoriji RS BiH.

Također, organizator utakmice mora na vrijeme obavijestiti sve učesnike utakmice o tačnom terminu početka utakmice i turnirskim satnicama.

Član 20.

Klub, domaćin utakmice, mora obezbijediti glavnu dežurnu osobu i najmanje tri (3) redara, koji moraju nositi vidljive oznake i ne smiju biti mlađi od osamnaest (18) godina života.

Najkasnije trideset (30) minuta prije početka utakmice Klub domaćin utakmice mora delegatu predati pismeni popis redara koji sadrži i ime, prezime i JMBG svake osobe, kao i podatke o glavnom dežurnom.

Klub, domaćin utakmice, mora omogućiti delegatu, ako on to zatraži provjeru identiteta redara. Delegat je obavezan u zapisniku utakmice ubilježiti osnovne podatke o glavnoj dežurnoj osobi.

Član 21.

Domaćin utakmice je obavezan obavijestiti policiju o održavanju takmičenja.

Član 22.

Klub organizator takmičenja mora na vrijeme obezbijediti dežurnog ljekara ili zdravstvenog tehničara sa potrebnim priborom za pružanje prve pomoći, koji je obavezan biti prisutan na svim susretima.

Delegat je obavezan u zapisnik upisati osnovne podatke o zdravstvenoj osobi. Utakmice se ne mogu igrati bez zdravstvene osobe.

Član 23.

Na jednoj utakmici ekipa može prijaviti 16 (šesnaest) igrača i 4 (četiri) službene osobe.

Član 24.

Pravo nastupa imaju samo ispravno registrovani i ljeakarski pregledani igrači-ce sa ovjerenim ljeakarskim pregledom ne starijim od šest mjeseci, te ispravno registrovane službene osobe.

Član 25.

Prije početka utakmice službeni predstavnik ekipe daje delegatu, na uvid, članske knjižice svih igrača-ca i službenih osoba koji se upisuju u zapisnik utakmice. Članske knjižice se smatraju ispravnim izdate i ovjerene u članicama RS BiH (RS Kantona , RS Herceg Bosne i RS Republike Srpske-Regionalni savezi).

Svi igrači-ce su obvezni vjerodostojnost podataka sadržanih u članskim knjižicama dokazati prilaganjem na uvid jednog od ličnih dokumenata, pasoša ili lične karte, ako za to bude potrebe.

Nitko bez članske knjižice i ličnog dokumenta, ne može nastupiti na utakmici.

Član 26.

Igrači-ce su obavezni nastupiti u jednoobraznoj sportskoj opremi (golmani u drugoj boji, različitoj od protivničkih igrača i golmana), a prednost ima prvoimenovana ekipa u rasporedu takmičenja, a to će regulisati delegat utakmice.

Član 27.

Klub organizator takmičenja je odgovoran za red i sigurnost u sportskom objektu. On mora na usmeni zahtjev neke od ekipa ili službenih osoba pružiti sigurnost od dolaska u mjesto igranja pa do odlaska iz mjesta igranja.

Ako klub ne ispuni odredbe iz ovoga člana kaznit će se novčanom kaznom iznosu od 100,00 do 200,00KM.

Član 28.

Klub, organizator takmičenja, odgovoran je, za ispade gledaoca i bacanje raznih predmeta u igralište, to se smatra slabo organizovanom utakmicom, pa učinjenu radnju delegat mora opisati u izvještaj uz zapisnik.

Klub koji je odgovoran za učinjenu radnju iz ovoga člana, kaznit će se novčanom kaznom u iznosu od 200,00 do 300,00 KM.

Član 29.

Ulazak gledaoca na teren nije dozvoljen, za to je odgovoran Klub domaćin takmičenja.

Ukoliko dođe do nereda u kojem učestvuju i gledaoci, delegat to mora opisati u izvještaju uz zapisnik, a Klub koji je odgovoran će biti novčano kažnjen u iznosu od 200,00 do 500,00KM.

Član 30.

Delegat mora odmah poslije utakmice zatražiti pisanu izjavu od diskvalifikovane osobe (igrač-ca ili službene osoba) koja je obvezna to učiniti u roku od 15 minuta. Igrači-ce diskvalifikovani radi trećeg isključenja na 2 minuta ne podliježu ovoj obavezi.

Ako diskvalifikovana osoba odbije da napiše izjavu, Klub će biti novčano kažnjen u iznosu od 25,00 KM po jednoj osobi, a odluka o sankcijama će biti donijeta na osnovu izjave službenih osoba (sudija i delegata). Ako su službene osobe podnijele prijavu protiv diskvalifikovane osobe, ista je automatski suspendovana najmanje jednu utakmicu ne nastupanja, zavisno od težine prekršaja ili ponovljene sankcije.

Diskvalifikovani igrač-ica bez pisane izjave službenih lica može nastupiti na slijedećoj utakmici.

Član 31.

Za diskvalifikovane službene osobe upisane u zapisnik utakmice, Klub će biti novčano kažnjen sa 50,00 KM, a za diskvalifikovane igrači-ce ili igrače sa 25 KM. Ako je uz diskvalifikaciju podnešena i pisana prijava, novčana kazna za službene osobe iznosi 100,00 KM, a za igrač-icu 50,00 KM.

Član 32.

Klub čija službena osoba na klupi za rezerve bude isključena na 2 minuta, biti će novčano kažnjena iznosom od 30,00 KM.

Član 33.

Klub čija službena osoba na klupi za rezerve bude opomenuta, bit će novčano kažnjena iznosom od 10,00 KM.

Član 34.

Suspenzije za igrača/ice i službene osobe važe samo za kategoriju takmičenja na kojoj su izrečene.

Član 35.

Klub-ekipa, koja se prijavi za odigravanje prvenstva pa odustane, odnosno ne dođe na finalni turnir, kaznit će se iznosom od 500,00 KM.

Član 36.

Sve novčane kazne moraju se uplatiti prije početka naredne utakmice na račun RS BiH podračun u RS Republike Srpske ili direktno delegatu utakmice koji će za primljeni iznos izdati priznanicu i isti iznos lično uplatiti na račun RS BiH podračun u RS BiH, pri računu RS Republike Srpske broj: 562-0998-1556-221-72 kod NLB Razvojne Banke

Kazna iz Člana 35. uplaćuje se na račun RS BiH podračun u RS Republike Srpske nakon što je izrekne Komesar takmičenja ili njegov ovlašteni zamjenik finalnog takmičenja.

Član 37.

Sve kazne iz ovih Propozicija se udvostručuju u odnosu na prethodno izrečenu kaznu

Član 38.

Ako klub ne izmiri svoje novčane obaveze po ovim Propozicijama, neće se dozvoliti odigravanje naredne utakmice (ovog nivoa takmičenja), odnosno nastavak takmičenja.

Član 39.

Odigrana utakmica se registruje postignutim rezultatom na osnovu:

- zapisnika utakmice
- pisanih izvještaja službenih osoba u Izvještaju uz zapisnik,
- eventualno naknadnih pisanih izvještaja

Član 40.

Zapisnik mora biti završen i potpisan odmah nakon utakmice.

Klub čiji pripadnik svojom voljom ne potpiše zapisnik, kaznit će se novčanom kaznom u iznosu od 50,00 KM.

Član 41.

Ako iz nekog razloga, originalni zapisnik pisan tokom utakmice bude uništen, odmah nakon utakmice piše se novi zapisnik na osnovu zabilješki delegata i sudija.

Klub čiji je pripadnik odgovoran za nestanak zapisnika, kaznit će se novčanom kaznom od 100,00 KM.

Član 42.

Osobe koje daju izjave u zapisnik, moraju to činiti na uljudan i dokazima potkrijepljen način i to samo o uslovima i situacijama igranja utakmice. Komesar takmičenja će na osnovu pisanih izjava preduzeti potrebne mjere.

Član 43.

Na odigranu utakmicu, Klub ima pravo podnijeti žalbu u roku od 10 minuta po završetku utakmice, a prije zaključivanja zapisnika sa utakmice, uz navođenje razloga i situacija radi čega se ulaže žalba. Taksa za uloženu žalbu iznosi 100,00KM i uplaćuje se odmah.

Član 44.

Komesar takmičenja ima pravo i obavezu poništiti utakmicu i na koju nije uložena žalba, ako se dogodilo nešto što je u očitoj suprotnosti s Pravilima igre, Propisima RS BiH i ovim Propozicijama, a od odlučujućeg je značaja za konačan ishod utakmice.

Član 45.

Komesar takmičenja je obavezan odluku o žalbi donijeti prije nastavka prvenstva. Nezadovoljna strana ima pravo žalbe. Komesar takmičenja je obavezan odluku o žalbi donijeti prije nastavka prvenstva. Nezadovoljna strana ima pravo žalbe Takmičarskoj komisiji RS BiH uz uplatu takse od 100,00 KM.

Član 46.

Žalba radi igrališta, sprava i nepravilnosti uređaja i registracija čiji nedostaci su poznati prije utakmice, moraju se najaviti prije početka utakmice, inače se neće uzeti u postupak.

Član 47.

Utakmica na koju je uložena žalba registrovat će se po završetku propisanog postupka.

Član 48.

Ako se igra ponovljena utakmica, troškove snosi Klub čijom krivicom je došlo do nove utakmice. Ako je utakmica prekinuta radi više sile, onda svaka ekipa snosi svoje troškove.

Član 49.

Prelazni rok igrača-ica u omladinskim takmičenjima je regulisan Pravilnikom o registraciji RS BiH, kao i odlukom UO RS BiH o prelaznom roku igrača-ica za seniorska takmičenja u tekućoj sezoni.

Član 50.

Komesar takmičenja će u provođenju disciplinskih postupka primijeniti Disciplinski pravilnik RS BiH i članove ovih Propozicija.

Član 51.

Sve što to nije precizirano ovim Propozicijama, određeno je drugim propisima RS BiH.

Član 52.

Propozicije donosi i tumači UO RS BiH, a sprovodi Komesar takmičenja.

UO RSBiH